

<input type="checkbox"/> Berita Harian
<input checked="" type="checkbox"/> Berita Minggu
Tarikh: 24/7/2011
Hari: AHAD M/S: 12
Ruangan: NASIONAL

# UUM catat sejarah MoU di Indonesia

## Jalin kerjasama akademik dengan 14 universiti

Daripada Khairunnisa Kamarudin  
khairunnisa@bharian.com.my

**J**AKARTA: Universiti Utara Malaysia (UUM) mencipta rekod apabila menandatangani serentak memorandum persefahaman (MoU) bagi program kerjasama berimpak tinggi dengan 14 universiti terkemuka di Indonesia di sini, semalam.

Nalib Canselor UUM, Prof Datuk Dr Mohamed Mustafa Ishak, berkata MoU itu antara lain bertujuan meningkatkan kerjasama akademik dan bukan akademik dengan institusi luar negara sebagai strategi menjadikan UUM universiti pengurusan terkemuka.

"Kerjasama dengan 14 universiti terkemuka Indonesia ini adalah antara usaha kami untuk memperkenalkan sektor pendidikan tinggi universiti ini pada peringkat antarabangsa, selain meningkatkan bilangan pelajar

pasca siswazah UUM.

"Kita percaya kerjasama ini akan menambah dimensi baru dalam sektor pendidikan tinggi negara selain membolehkan kita membuka lebih banyak cawangan UUM di Indonesia serta program pertukaran pelajar dan pensyarah antara kedua-dua negara," katanya pada majlis menandatangani 14 MoU itu.

Empat belas universiti terbabit ialah Universiti Indonesia; Universiti Diponegor; Universiti Padjajaran; Universiti Udayana; Universiti 11 Maret; Universiti Hasanuddin Makasar; Universiti Negeri Jakarta; Universiti Muhammadiyah Yogyakarta; Universiti Paramadina; Universiti Ahmad Dahlan; Universiti Sanggabuana; Universiti Ibn Kaldun; Universiti 17 Agustus dan Universiti Islam Riau.

Dr Mohamed Mustafa berkata, kerjasama erat UUM dengan 14 universiti terbabit diharap dapat melahirkan pelbagai idea baru terutama

dalam bidang penyelidikan merangkumi aspek ekonomi, sosial dan teknologi.

Sementara itu, Menteri Penyelidikan dan Teknologi Indonesia, H Suharna Surapnata M T berkata, kerjasama ini dianggap antara peluang terbaik untuk Indonesia mencontohi pembangunan pesat Malaysia.

"Jika kita lihat, negara ini agak ketinggalan dari segi Indeks Daya Saing Global di belakang Malaysia. Justeru, kami berharap kerjasama yang dimeterai ini dapat mewujudkan hasil penyelidikan bagi memperbaiki mutu kehidupan rakyat dari segi sosial, ekonomi serta teknologi.

"Pertukaran pelajar dan pensyarah antara kedua-dua negara juga adalah perkembangan positif yang mampu mewujudkan jaringan persahabatan dan pertukaran maklumat untuk memantapkan lagi mutu pembelajaran di semua universiti terbabit," katanya.